

دائرة مخصوصه

در سعادتده باب عالی جوارنده

محل اداره :

مشرط القیم

اخطار :

مسلكمزه موافق آثار جدیده مع المنوینیه

قبول او انورد

درج ایدیهین آثار اعاده او انورد

دین، فلسفه، علوم، حقوق، ادبیات و سیاسیات و باطخاصه کرب سیاسی و کرب اجتماعی و مدنی احوال و مشور و اسلامیه و در بحث ایدر و هفته ده بر نشر انورد.

آبونه بدلی

سنه لکی

التی آیلنی

ممالک عثمانیه ایچون	۸۰	۴۰	غروش
روسیه	۶۰۵	۳۰۵	روبله
سائر ممالک اجنبیه	۱۷	۹	فرائق

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قیرله دن مقوا بورو ایله کوندریلیرسه سنوی

۲۰ غروش فضله آلنیر

عدد : ۷۷

۱۴ صفر اخیر ۳۲۸ پنجشنبه ۱۱ شباط ۳۲۵

اوچنچی جلد

مَنَاقِبُ سَيِّدِنَا

— مابعد —

وَأَمَّا جَدُّهُ وَقَدْ فَصَّلَتْهُ

وَبِهَامَنْ فَصَالَهُ الْبَرَاءُ

حلیمه انی ممدن کسه رک جدینه کتوردی، حابو کرسول اکرمک ممدن کسلسندن ناشی حلیمه ده شدت تألم وار ایدی. حلیمه سعیده اوظفل محترمی ممدن کسدکدن ایکی ویا اوج آی یکمسی اوزرینه بیت آئیده ذکر اولنان سبیدن ناشی جدی عبدالمطلب حضرتلرینه کتوروب تسلیم ایتدی و فقط رسول اکرمک رضاعی حسبله نزدنده خیرات وبرکاتک توالیسنی مشاهده ایدن حلیمه مدت رضاعک نهایت بولسندن طولانی ذاتاً پک متألم ایکن بسبتون مستغرق آلام واکدار اولدی.

حلیمه نك رسول اکرمی جدینه اعاده سی ایکی کره وقوعه کلشدر. برنجیسی رسول اکرم افندمن ایکی یاشنی طولیدیردینی زمان ایدی بونک سبی برشیر خوار مدت رضاعنی ا کمال ایتدیکی زمان افی ولیسنه اعاده ایلک مرضعه لرحه معتاد اولسی ایدی حلیمه ده عادت وجه ایله رسول اکرمی ایکی یاشنی طولیدیردقه عبدالمطلب حضرتلرینه اعاده ایتش ایسه ده مشارالیه حضرتلری حلیمه یه رسول اکرمک فراقی کران کلدیکنی کورمسنه و بوارالق مکده ظهور ایدن و بادن سلامتی ملاحظه سنه منی تکرار رسول اکرمی حلیمه یه ویرمش ایدی. ایکنجیسی رسول اکرم افندمن ایکی یاشنی بتوروب اوزرندن ایکی ویا اوج آی دها کچدیکی وقت شق صدری ایچون کلان ملائکه کرامی حلیمه طائفه جن ظن ایلسیله اول وقت وقوع بولمش و بودغه رسول اکرمی جد امجدی، نزدنده بقا ایدوب حلیمه یه اعاده ایلدیکنندن حلیمه حضرتلری متأثر اوله رق حبیب خدادن مفارقت ایلش ایدی. ناظم حضرتلرینک «وقد فصلته» قولنه نظراً بوبیتدن برنجی اعاده ذهنه تبادر ایدیورسه ده بیت آئیده «اذ احاطت به» جمله سیله واقع اولان تقییده ویا تعلیله و بوندن بریت صکره دخی «فارقه کره» دیه جناب حلیمه نك حبیب خدادن مفارقت ایلدیکنی تصریح ایتسنه کوره مقصدی ایکنجی اعاده یی ذکر و بیان اولغله بوبیت ظاهرندن صرف ایدیلوب ایکنجی اعاده یی حاکی اولق اوزره شرح ایلدی.

برروایت کوره حلیمه سعیده رسول اکرمی جدینه دکل والدیه سنه کتورمشدی. فقط جد اصل اولدیغندن و برده رسول اکرمک والدیه جد امجد نبوی ایله مشاوره ایتدکجه برشی یا پمدیغندن ناظم حضرتلری بلکه بوملاحظه به منی اولمی در که جد پک رسولی ذکر ایلشدر.

قومک ایچنده ظهور ایدرسه ایتسون، تعریف ایلش اولدیغمن طرزده کی بر مؤمنده سن بویله بر اطمئنان بوله جقسک. لکن دمن ایراد ایلدیکنز مثل مسلمانلرک عمومیتی حقنده در. ایشته هیچ بر لائیک لومندن قورقامق شرطیله س ویلیورم که بونلرک ایچنده بحق مؤمن اولان، اعمال صالحه ده بولنان، تواصی بالحق، تواصی بالصبر فر. یضه لرینی برینه کتیرن هم کندی نفسندن هم خالقندن خوشنوداوله جفی کی سعادتدن محروم بر طائفه ایچنده بولنسه اوینه مسعوددر؛ نفهای قوم ایله محاط اولسه اوینه حکیمدر. شقای یعی حرمان سعادتق انجق باشقه لرینک ارواحنه منطبع اشکالک کندی آینه قلبنه انعکاس ایدن صورتلریله طایر. بقیه مسلمینه کلنجه اگر خاسر ایسه لر خسرانلری شودرت رکفی غائب ایتش اوللرندن ناشیدر.

اوله یا! ایمانی اله آلیرسه ق بونلر اونک یالکز لفظیله، برده بابالرندن آنالرندن توارث ایتش اولدقلری عبارات وصور ایلها کتفا ایتشله معنای ایماندن هیچ برشی قلبلرندن، روحلرندن پرایتمش. توحید باری خصوصنده اک ایلری کیدنی بیله وسیله کی، واسطه کی هیچ بر صورتله تأیید خدایه مظهر اولمایوب صرف کندی اختراع، کندی تزویزی اولان بر طاقم اسمی والقب آلتنده اشرا کده اک اوکده بولونیور.

اعمال صالحیه کلنجه عوام مسلمینک کافه سنده، خواصنک قسم اعظمنده کورولن حسد، عداوت، عظمت، جهالت، عطالت، کی نقائصه نصل جمع وتالیف اولنه بیلیر؟

تواصی بالحق، تواصی بالصبره کلنجه میدانده بوندن ده هیچ اثر کورولمیور. میدانده کی منکراتی کورییورلر، عقائده کیرمش فسادی حس ایدیورلرده هرکس کوردیکنه، طویدیغنه قارشو سکوتی محافظه ایدیور. کویا آرالرنده ارتباطدینی یوقش، کویا دینلرنده خیر خواهانه نصیخته داعی نصوص وارد اولمامش. شاید بری دیکرینه حقلی بر نصیخته بولونه حق اولسه برکی قیامتی قویارییور، کندی قدری تنزیل ایدیلش، حقنه حرمت اولونمامش تلقی ایدیور. باشقه لریده بوزواللی ناصحک حرکتی تقییح ایلور. پک اعلا، بوحالده کی بر قوم خسرانده قالمزده نه اولور....

اگر بوقوم دینه رجوع ایتسه ده شودرت اصل متنی ایفا ایلش اولسه کوروردیکز که جناب حق (وعدالله الذین آمنوا منکم و عملوا الصالحات لیستخلفنهم فی الارض کما استخلف الذین من قبلهم ولیکن لهم دینهم الذی ارتضی لهم ولیدلنهم من بعد خوفهم انما یعبدون لی ایشرکون بی شیتا) طرزنده کی وعدالهیسنی ادا ایدردی ده اولجه بیان بیورمش اولدینی (ومن کفر بعد ذلک فاولئک هم الفاسقون)، (ان الله لا یغیر ما بقوم حتی یغیروا ما بانفسهم) صورتنده کی تهدید وانذارک احاطه سندن مسلمانلر مصون قالیردی.

مرحوم شیخ محمد عبده

محمد عاکف

صوک

اجتهاده دائر

— مابعد —

شوادوار ایچنده بر جوق آثار میدانه کتورلدی بناء علیه کتب فقهیه نك یوقارودن اشاغی به طوغرو صره نمش برقاج طبقه تشکیل ایتمه سی لازم کلیور . آثار متأخره دائماً آثار متقدمه به تقلیداً تحریر ایدیلش بولندیغندن ، بالنسبه متقدم اولانلرک اوتیه کیلره نظراً دهها زیاده قیمت فقهیه و علمیه سی حائز اولمالری ایجاب ایدر . اجتهاد فی المسائل دورنده یازیلان بر اثر فقهی قیمت علمیه نقطه نظرندن اجتهاد فی المذهب دورنده مثلاً امام محمد طرفندن یازیلان بر اثره رقابت ایده . میه جکی شبهه سزدر .

فقط مسئله متأخریجه بویه تلقی اولنمه یور ، فکر تقلید ، فیوضات فقهیه یی اوقدر تضییق ، اوقدر تحدید اید یوردی که آثار وسنندن مرضای اسلافدن انک بعید ، انک اوزاق اولان کتب فقهیه ، موقع تداوله قبول اولنیور . اشته بو حال ده تقلیدک بتون معناسیله تأسس واستقرارینه نك زیاده یاردم ایدر . آرتق بوصورتله ظلمت آلود بر دور تقلید ، بر دور جهالت باشلار .

کیرویه طوغرو اولان حرکات تدریجیه ایله نهایت نقطه ادبانه وصول وقوعه کلش ، تقلید بتون معناسیله اجرای حکم ایتمه باشلامشیدی . فکر تقلید اذهان علماده بتون قوتیه یرلشمش ؛ آرتق بونک علینده برسوز سویلک جائز دکلدی . چونکه علما بوکا قانع ایدیلر ؛ بوکا ایمان ایتشلردی .

ذاتاً بودورلرده یتیشن علمیه اجتهاددن نك بعید بولنیورلردی . اورتقه لقه آنلرک فکرلرینی اوقشایه جق هیچ بر اثر موجود دکلدی . قرآن کریم ، آثار وسنن ، ثواب و عبادت دن باشقه برینته اوقونمه یور ؛ آنلر بلا معنا الفاظ قیلندن برشی اعتبار اولنیورلردی . تداوله اولان کتسابلردن بر چوغی کندیلری صاغی صولی فرق ایدمه یین مقلدلر طرفندن جمع و ترتیب ایدلمش ؛ قیل و قالدن عبارت بر شیلر ایدی . سونوک فکرلری ایقاد ایدمه ییله جک برمشوق کورولمه یوردی . علماده کورولن بوسونوکلک ، بوعطالت فکریه حکمدارلرک ، امرانک ده هیچ جانلرینی صیقمه یوردی . چونکه افکار علمانک قبالی اولمیسی آنلرک منفعتلریله توافق ایدیورلردی .

بناء علیه علمانک حکومت امارت طرفندن ایقاظ اولنمق احتمالی ده مفقود ایدی .

ایشته بوصورتله حکمدار و امرا نائب رسول الله ، علما وفقهاده ورثه الانبیاء اوله رق کال استراحتله کچنوب کیدیورلردی .

آرتق اسکیمی کبی دکل ، حکومتله علم بارشمش ایدی . وقتیه یالان بهانه لر ایجاد ایدیلرک انواع اشکنجه لره آتیلان ، شفقتسز جلادلرک انده تعذیب اولنان علما وفقها ، آرتق راحت بولمشلردی . بودور ، بر دور سکوت واستراحت ایدی . جسارت ایدوب ده بوسکوت واستراحتی کیم اخلاص ایدمه ییله جکدی ؟

بیانه اعراب و لغات

[انت] انت به تقدیرنده در و محذوف اولان [باء] تعدیه ایچوندر [وقد فضله] حالیه در . فصل : چوچنی ممدن کسمک معناسنده در [و بها] نك [با] سی ظرفیت ایچوندر . ضمیر حلیمه به راجع و جارمع الجروور مقدم خبر . [البرحاء] مؤخر مبتدا و جمله حال بعد حالدر . برحاء : بانك ضمی و رانك فتحیه جمع وزننده مفرد در و شدت رنج و الم معناسنده در [من فصاله] ده [من] تعلیل ایچوندر . و فصال : چوچنی ممدن کسمک معناسنده در .

اذا حاطت به ملائكة الله

ه فظنت بانهم قرناء

حلیمه انی جدیدنه بروقتده کتوردی که اول وقت ملائكة الله انی احاطه ایتمش و حلیمه ده انلری شیاطین الجن صانمش ایدی . یاخود ملائكة کرام رسول اکرمک اطرافنی قوشاتمش و حلیمه ده بونلری طائفه جن ظن ایلش اولدیغندن رسول اکرمی جدا مجدینه کتوردی دیمکدر حاصلنی جناب حلیمه او طفل محترمی جدا مجدینه کتوروب تسلیم ایتدیکی وقت ملائكة کرام انک شق صدری ایچون اطرافنی قوشاتمشلر ایدی ، مشارالیه ایسه بونلری شیاطین الجن صانوب رسول اکرمه اذا وجفا ایدمه جکدر قورقوسنه دوشدیکندن برشی اصابت ایدوب عائله محترمه سی نزدنده مسؤل اولماق ایچون انی همان عبدالمطلب حضرتلرینه تسلیمه مسارعت ایلشیدی .

بیانه اعراب و لغات

[اذ] ظرفیت و یا تعلیل ایچوندر . [فظنت] ده ضمیر حلیمه به راجعدر . [بانهم] ده [باء] زائددر . [قرناء] قرینک جمی در . قرین شیطان معناسنده کلورکه بوراده او معنایه در .

ورأی وجد هابه ومن الوج

ه لهیب تصلی به الاحشاء

حلیمه نك رسول اکرمه وجدینی جدا مجدی کوردی ، بر حالده که او وجددن نشأت ایدن آتش ایله حلیمه نك درونی یا نوب طوتشوردی . جناب حلیمه او طفل مبارکی اعاده ایلدیکی زمان عبدالمطلب حضرتلری انک رسول اکرمه فرط محبت و تعلقندن محروق الفؤاد اولدیغنی مشاهده ایتدی .

بیانه اعراب و لغات

[ورأی] نك ضمیری جدیه راجع . [وجد هابه] ده برنجی ضمیر حلیمه به ، ایکنجی رسول اکرمه راجعدر . وجد : شدت محبت و تعلق معناسنده در . و کندیسنده معنای تعلق بولنمق حسیه یله [به] اکا متعلقدر . اهل طریق اصطلاحاتندن اولان [وجد] بومعنادن مأخوذدر . [ومن الوج] جمله سی حالیه در و جناب حلیمه نك رسول اکرمه شدت غرامنی بیان ایچون ایراد اولمشدر [من] تعلیل ایچوندر . و جارمع الجروور مقدم خبر و [لهیب] مؤخر مبتدادر . لهیب : بوراده آتش معناسنده مستعملدر . [تصلی] مبتدانک صفتی و بوراده محترق اولور معناسنه فعل مضارع . [الاحشاء] حشائک جمی در حشا : عصا وزننده اعضاء جوفیه به دینور : باغرساق و بوبرک و جکر کبی .

[بقیه سی وارا] برکت زاده اسماعیل هقی

.....